



1. INTRODUCCIÓN

O impacto das Tecnoloxías da Información e a Comunicación (TIC) leva cambios a nivel social e de xeito especial, unha transformación no ámbito educativo, desde repensar a formación básica que precisamos, a forma de ensinar e de aprender, ata a necesidade de analizar e avaliar o uso educativo das infraestruturas e os medios que utilizamos para iso.

Entre os novos recursos que a tecnoloxía pon a disposición dos docentes, atópase o **encerado dixital interactivo (EDI)**. Esta tecnoloxía preséntase como unha solución adecuada ao tratarse dun elemento tecnolóxico de aparencia familiar e de intuitiva utilización, pero de gran potencia. O EDI permite unha progresiva innovación nas prácticas docentes (Miller D., Glover D., 2002), unha mellora da motivación dos alumnos/as (Beeland, W., 2002) e a dispoñibilidade de novas ferramentas para atender á diversidade dos alumnos/as, especialmente a aqueles con discapacidades ou dificultades severas ou moderadas de aprendizaxe (Pugh, M. 2001).

Por todo iso, xorde a finais do ano 2006, a través dun grupo de docentes que viñan traballando nesta liña, unha iniciativa galega co fin de potenciar este novo soporte, **EDiGa** (Encerado Dixital Interactivo Galicia www.ediga.net), coa finalidade de crear unha comunidade estable de usuarios para investigar/aprender por, en e para o EDI.

2. OBXECTIVOS

Os premios EDiGa convócanse co obxectivo de incentivar o uso dos novos soportes dixitais interactivos, de difundir experiencias educativas e o de crear unha comunidade de aprendizaxe tendo como referente as Tics.

3. BASES DA CONVOCATORIA

Establécense dous tipos de categorías:

CATEGORÍA A: Elaboración de Materiais Didácticos

Elaboración de recursos para usar no encerado dixital interactivo **SMART Board**, estarán baseados en calquera tema curricular, de calquera etapa educativa non universitaria. Os materiais poderán ser actividades que conteñan:

- Coleccións de imaxes ou fotografías para a galería do caderno de notas.
- Coleccións de sons para a galería do caderno de notas.
- Vídeos realizados coa gravadora SMART.
- Coleccións multimedia para a galería do caderno de notas.
- Aplicacións Flash para incorporar no caderno de notas.

Todos estes materiais deberán estar dentro dunha actividade notebook (en todos os seus formatos .notebook, .xbc, .xbk) para traballar determinados aspectos de aprendizaxe.

Calquera material dos descritos anteriormente, debe **incluir unha memoria** que conteña:

- Título do recurso.
- Obxectivos/Contidos que pretende desenvolver.
- Nivel/Área.
- Proposta metodolóxica / Guía de Uso.
- Valoración final: resultados obtidos, vantaxes achegadas e problemáticas.

CATEGORÍA B: Boas prácticas SMART Board / Experiencias innovadoras

Descrición de experiencias baseadas no uso do encerado dixital interactivo **SMART Board** nas aulas, co obxectivo de incentivar a reflexión sobre as prácticas docentes e reunir unha mostra audiovisual que ilustre as mellores formas de utilizala.

O traballo debe contar cunha exposición detallada da organización de tempo e a xestión de espazos necesaria para incorporar

estes modelos innovadores, así como unha recompilación dos materiais e recursos que se usan para tal fin. O modelo didáctico ou experiencia, pode ser presentado nos soportes seguintes para o seu recoñecemento:

- Series de fotos coas súas correspondentes anotacións.
- Vídeos explicativos da experiencias.
- Presentacións multimedia coa descrición do modelo.

Todos estos materiais deberán estar dentro dunha actividade notebook (en todos os seus formatos .notebook, .xbc, .xbk), cunha presentación de pantallas.

Calquera experiencia presentada nos formatos anteriores, debe incluír unha memoria que conteña:

- Titulo da experiencia.
- Breve descrición do Modelo Didáctico a desenvolver:
- Nivel/Área.
- Organización do centro/aula/clase.
- Recursos utilizados.
- Valoración final: resultados obtidos, vantaxes achegadas e problemáticas.

4. PREMIOS

ENTIDAD	
SMARTBOARD	<p>1º Premio: un kit de 5 unidades SENTEO 2º Premio: unha tableta dixitalizadora AIRLINER 3º a 5º finalistas: Unha cámara dixital</p>  <p>Ademais a mellor actividade ou experiencia, recibirá un premio especial consistente nunha invitación ao BETT 2009 e axuda á viaxe.</p> <p>* SMART Board, Senteo y Airliner, son marcas registradas de SMART Technologies Inc.</p>
P3D	<p>1º Premio: unha licencia anual dos programas P3D (Biología, Anatomía, Geografía)</p> <p>*Más información: http://www.p3d.com.br</p>

En ningún caso se cambiará o importe do premio polo seu valor en metálico.

NOTA: Unha listaxe actualizada dos premios pódese ver en : <http://ediga.net/blog/premios-ediga/>



5. COMPOSICIÓN DO COMITÉ ASESOR E CRITERIOS DE VALORACIÓN

O comité asesor estará formado por especialistas no uso das Tics, docentes en activo e representantes de institucións vinculadas ao ensino.

Con relación aos criterios de avaliación terase en conta:

CATEGORIA A

- Calidade Técnica ou artística do material (25%)
- Calidade na Documentación aportada (memoria) (25%)
- Variedade de formatos utilizados (25%)
- Visión Global do material (25%)

CATEGORIA B

- Calidade Técnica ou artística do soporte da experiencia (25%)
- Calidade na Documentación aportada (memoria) (25%)
- Innovación da experiencia/modelo didáctico exposto (25%)
- Nivel Implicación da Comunidade Educativa (10%)
- Aplicabilidade a outros contextos (centros, aulas...) (15%)

6. PRAZOS DE ENTREGA

Os centros que desexen participar deberán formalizar a súa solicitude en <http://ediga.net/blog/premios-ediga/> e presentar as súas propostas de recursos e/ou experiencias antes do 30 de abril de 2008 coa folla de participación debidamente cuberta a:

A/A Grupo EDiGa
C/ Suso Vaamonde nº3
Chapela/Redondela - Pontevedra
C.P. 36320

9. ACTO DE ENTREGA DOS PREMIOS

Convocarase a todos os candidatos á entrega dos premios onde exporán as súas materiais/experiencias o día 9 de maio do 2008 no Museo Pedagóxico Galego en Santiago de Compostela, lugar e data onde se pronunciarán os fallos do comité asesor.

Entregaranse diplomas acreditativos a todos os asistentes.

Todo o material presentado a esta convocatoria publicarase na plataforma web de EDiGa.

Os traballos serán orixinais, non presentados anteriormente.

Non se devolverá o material orixinal proposto.



ENCERADODIXITALinteractivo
GALICIA



10. PATROCINADORES-COLABORADORES



Iberian Distribution



yuanca web

Servidores y Dominios
www.yuanca.com





FOLLA DE PARTICIPACIÓN Á CONVOCATORIA "I PREMIOS EDIGA"

Marque cunha X

	CATEGORIA A (Materiais)		CATEGORIA B (Experiencias)
--	-------------------------	--	----------------------------

Proxecto

TITULO
BREVE DESCRIPCIÓN

Coordinador/a

Nome Apelidos1	DNI	Centro
Enderezo	E-Mail	Telf contacto

Autor/Autores

Nome Apelidos2	DNI	E-Mail	Centro
Nome Apelidos3	DNI	E-Mail	Centro
Nome Apelidos4	DNI	E-Mail	Centro

Xunto con esta follla de participación adxuntarase en formato papel e electrónico a correspondente memoria da categoría á que participa, así como os materiais pertinentes (recursos, experiencias) en soporte electrónico (CD, DVD, MEMORIAS).

_____, de _____ de 2008

SINATURA DO/A CORDINADOR/A